

01-50-1

Broj: 02-37-666/17  
Sarajevo, 29.03.2017.godine

**BOSNA I HERCEGOVINA**

**PARLAMENTARNA SKUPŠTINA BOSNE I HERCEGOVINE**  
**ZASTUPNIČKI DOM/ PREDSTAVNIČKI DOM**  
n/p Predsjedavajućeg Zastupničkog doma

**PARLAMENTARNA SKUPŠTINA BOSNE I HERCEGOVINE**  
**ZASTUPNIČKI DOM/ PREDSTAVNIČKI DOM**  
n/p gosp. Senada Šepića, zastupnika

PRIMLJENO		12.04.2017	
Broj	Klasifikaciona oznaka	Radni broj	
01-50-1-15-41/17			

**PREDMET: Odgovor na zastupničko pitanje – dostavlja se**

**Veza:** Akt Predsjedavajućeg Zastupničkog doma Parlamentarne skupštine BiH  
broj: 01-50-1-15-41/17 od 31.01.2017.godine

Poštovani,

Federalno ministarstvo zdravstva zaprimilo je akt Predsjedavajućeg Zastupničkog doma Parlamentarne skupštine BiH, broj: 01-50-1-15-41/17 od 31.01.2017.godine sa zastupničkim pitanjem na koje se traži odgovor. Naime, gospodin Senad Šepić, uvaženi zastupnik u Zastupničkom domu Parlamentarne skupštine Bosne i Hercegovine, sukladno članku 166. i članku 170. Poslovnika Zastupničkog doma („Službeni glasnik BiH“, broj: 79/14, 81/15 i 97/15), 18. siječnja 2017.godine, uputio je Federalnom ministarstvu zdravstva zastupničko pitanje u pisanoj formi. S tim u svezi, u prilogu akta dostavljamo Vam odgovor Federalnog ministarstva zdravstva.

S poštovanjem,

**PRILOG:**  
- Kao u tekstu



**ODGOVOR  
NA ZASTUPNIČKO PITANJE SENADA ŠEPIĆA  
ZASTUPNIKA U ZASTUPNIČKOM DOMU  
PARLAMENTARNE SKUPŠTINE BOSNE I HERCEGOVINE**

**Senad Šepić**, zastupnik u Zastupničkom domu Parlamentarne skupštine Bosne i Hercegovine, sukladno članku 166. i članku 170. Poslovnika Zastupničkog doma („Službeni glasnik BiH“, broj: 79/14, 81/15 i 97/15), 18. siječnja 2017.godine, uputio je Federalnom ministarstvu zdravstva zastupničko pitanje u pisanoj formi, koje glasi:

„Koliko je pacijenata u BiH bilo na listama čekanja na dan 31.12.2016.godine i koliko je prosječno trajanje čekanja pacijenta na termin?“

## II

Na postavljeno zastupničko pitanje Federalno ministarstvo zdravstva daje sljedeći

**ODGOVOR**

Formiranje listi čekanja za zdravstvene usluge ovisi od niza kriterija. Neki od njih su: vrsta i složenost zdravstvene usluge za koju se formira lista čekanja, razina zdravstvene zaštite na kojoj se usluga pruža, starosna dob pacijenta, medicinske indikacije, hitnost, učestalost zahtjeva za pružanje određene zdravstvene usluge, kao i financijske mogućnosti i dr.

U Federaciji BiH, zdravstvene ustanove propisuju kriterije za liste čekanja za zdravstvene usluge, koje pružaju u okviru svoje djelatnosti, kao npr. razne dijagnostičke usluge (ultrazvučne pretrage, razne radiološko-dijagnostičke usluge, magnetna rezonanca i sl.).

Izuzetno, Zakonom transplantaciji organa i tkiva u svrhu liječenja („Službene novine Federacije BiH“, broj 75/09), odnosno Pravilnikom o kriterijima za dodjelu organa i tkiva, uvjetima za izbor najprimjerenijeg primaoca, kao i načinu vođenja federalne liste čekanja („Službene novine Federacije BiH“, broj 9/14) utvrđuju se, na jedinstven način, kriteriji za liste čekanja za zdravstvene usluge koje se pružaju u svezi sa transplantacijom organa i tkiva u svrhu liječenja u Federaciji BiH, a sukladno transparentnim, objektivnim i utvrđenim medicinskim kriterijima.

Nadalje, Pravilnikom o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konzultativne i bolničke zdravstvene djelatnosti na tercijarnom nivou zdravstvene zaštite („Službene novine Federacije BiH“, broj 93/13) utvrđuju se uvjeti koje moraju ispunjavati zdravstvene ustanove za obavljanje najsloženijih oblika zdravstvene zaštite iz specijalističko-konzultativnih i bolničkih zdravstvenih djelatnosti na tercijarnom nivou zdravstvene zaštite na teritoriji Federacije Bosne i Hercegovine. Jedan od uvjeta koje moraju ispuniti zdravstvene ustanove za obavljanje najsloženijih oblika specijalističko-konzultativne i bolničke zdravstvene djelatnosti na tercijarnom nivou zdravstvene zaštite jeste i taj da imaju propisane kriterije za liste čekanja za zdravstvene usluge, koje pružaju u okviru svoje djelatnosti.

Potom, Pravilnikom o uvjetima i postupku upućivanja osiguranih osoba na liječenje u inozemstvo („Službene novine Federacije BiH“, br. 93/13 i 102/15) utvrđuju

se kriteriji na temelju kojih se formira lista čekanja za upućivanje pacijenata na liječenje u inozemstvo, a na teret sredstava fonda solidarnosti Federacije Bosne i Hercegovine. Neki do kriterija, definiranih ovim Pravilnikom, koji se uzimaju u obzir prilikom formiranja navedene liste čekanja su: starosna dob, medicinske indikacije, hitnost i druge bitne činjenice od značaja za konačan ishod liječenja.

Uputstvom o uspostavi Liste čekanja za lijekove sa Liste lijekova Fonda solidarnosti Federacije BiH („Službene novine Federacije BiH”, br. 19/15 i 23/15) utvrđuje se postupak i način utvrđivanja Liste čekanja za određene lijekove sa Liste lijekova Fonda solidarnosti Federacije BiH (u daljem tekstu: Lista čekanja za lijekove), kriteriji za stavljanje na Listu čekanja za lijekove, način vođenja odnosno kontinuiranog praćenja Liste čekanja za lijekove, te obaveza informiranja osiguranog lica o bitnim podacima sa Liste čekanja za lijekove. Primjenom ovog uputstva osigurava se jednak tretman svih osiguranih lica kojima je indiciran terapijski tretman određenim lijekovima financiranim sredstvima fonda federalne solidarnosti. Pacijent se stavlja na Listu čekanja za lijekove, samo ukoliko je lijek preporučen od strane medicinskih stručnjaka, odnosno nadležnog konzilija zdravstvene ustanove i prihvaćen od strane nadležne komisije Zavoda zdravstvenog osiguranja i reosiguranja Federacije BiH za uvođenje osiguranika u pravo korištenja lijekova sa Liste lijekova fonda federalne solidarnosti.

S obzirom da u postavljenom zastupničkom pitanju nije precizirano za koje zdravstvene usluge se traže podaci o broju pacijenata na listama čekanja, te za koje zdravstvene usluge se traže podaci o prosječnom trajanju čekanja na termin, u tekstu koji slijedi navodimo podatke, koji su u nadležnosti Federacije BiH.

Na godišnjem nivou, na teret sredstava fonda solidarnosti, financira se određeni broj zdravstvenih usluga, a sukladno Odluci o utvrđivanju prioriteta vertikalnih programa zdravstvene zaštite od interesa za Federaciju Bosne i Hercegovine i prioriteta najzlojeđenijih oblika zdravstvene zaštite iz određenih specijalističkih djelatnosti koje će se pružati osiguranim osobama na teritoriju Federacije Bosne i Hercegovine („Službene novine Federacije BiH”, br. 8/05, 11/07, 44/07, 97a/07, 33/08 i 52/08), kao i lijekova sukladno Odluci o listi lijekova u bolničkoj zdravstvenoj zaštiti Federacije Bosne i Hercegovine (Službene novine Federacije BiH”, br. 56/13, 74/14 i 94/15). Broj usluga i lijekova, koji se financira sredstvima fonda solidarnosti, se permanentno povećava iz godine u godinu, ali uz neadekvatan porast finansijskih sredstava. Nesrazmjernost između potreba za lijekovima i zdravstvenim uslugama i finansijskim sredstvima, rezultira nemogućnošću adekvatnog podmirenja svih potreba za liječenjem, što se odražava listama čekanja za pojedine zdravstvene usluge, kao i lijekove sa Liste lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti Federacije Bosne i Hercegovine.

Na listi čekanja na pojedine zdravstvene usluge iz oblasti kardiologije i kardiokirurgije, na četiri zdravstvene ustanove koje se bave ovom problematikom, na dan 31.12.2016.godine bilo je 593 pacijenta za uslugu koronarografije i 79 za druge usluge, 274 za operaciju koronarnog baj-pasa, 158 za zamjenu valvule i 58 za druge usluge iz oblasti kardiokirurgije. Na listama čekanja za citostatike sa posebnim režimom propisivanja i korištenja, registrirana su ukupno 232 pacijenta, od čega za sunitinib 81, bevacizumab 75, rituksimab 23, sorafenib 31 i 22 pacijenta za ostale lijekove. Lista čekanja za liječenje multiple skleroze iznosila je 296, što predstavlja izuzetan problem.

Bitno je istaći da se prosječno trajanje čekanja na pojedine usluge i lijekove pacijenata na listama čekanja ne može statistički generalizirati i iskazati prostim

statističkim izračunom. Naime, dužina čekanja na pojedine usluge i lijekove zavisi od više faktora, kao što su: datum prijave pacijenta na listu čekanja, godine starosti pacijenta, vrsta i stadij bolesti, očekivani ishod liječenja, dužina preživljavanja, visina raspoloživih finansijskih sredstava i dr.

Cijeneći navedeno, Zavod zdravstvenog osiguranja i reosiguranja Federacije Bosne i Hercegovine svakodnevno čini napore u cilju smanjivanja listi čekanja i uvođenja što većeg broja pacijenata na liječenje. U posljednje vrijeme, u partnerstvu sa farmaceutskim kompanijama provode se razne studije, financira se nabavka pojedinih lijekova u paritetu 50% : 50%, pokušavaju se smanjiti cijene lijekova i sl. Na ovaj način riješen je problem čekanja na citostatik trastuzumab (Herceptin), za liječenje raka dojke. Trenutno je na rješavanju liječenje multiple skleroze, na način da je već proveden postupak javne nabavke lijeka metenkefalin+tridekaktid (Enkorten), čime će, što iz sredstava federalnog fonda solidarnosti, što iz studije farmaceutske kompanije „Bosnalijek“, biti uveden veći broj bolesnika na liječenje ovim lijekom. Također, očekuje se znatno povećanje broja liječenih pacijenata, oboljelih od raka debelog crijeva, citostatikom bevacizumab, kroz partnerstvo sa farmaceutskom kompanijom.